

Dienelkander



Nuusbrief van die Gereformeerde Kerk Potchefstroom-Oos

24 Mei 2015

OGGENDDIENS: Ds Karel

Skriflesing: Johannes 15: 6-17

Teks: Johannes 15: 9-10

Tema: Bly in Christus se liefde deur Sy wet, in liefde, te gehoorsaam!

Johannes 14 tot 17 is besonderse ryk hoofstukke in die Here se Woord. Ons leer ontsettend baie oor God se liefde vir ons in Jesus Christus, versterk deur die Heilige Gees, in hierdie hoofstukke. Die uitdaging waarmee ons egter as gebroke mense dikwels sit, is dat hierdie ryk dele in die Here se Woord bykans soos 'n doolhof raak waarin ons verdwaal kan raak in die diepte en rykdom van hierdie gedeeltes.

Wanneer ons dan saam dink oor Johannes 15: 6-17 en wat ons daarin kan leer oor geestelike groei is dit nie anders nie. As ons moet dink oor die verhouding tussen God se wet en liefde draai ons gedagtes soms vas. Kom ons kyk vanoggend na drie rigtingwysers waardeur ons iets meer kan leer oor geestelike groei. Kom ons dink saam oor wat dit beteken wanneer Jesus die volgende sê:

- "Soos die Vader My liefhet, het Ek julle ook lief..."
- "Julle moet in My liefde bly..."
- "As julle my opdragte uitvoer, sal julle in my liefde bly..."

Vooraf sang

Lied 207: 1, 2, 3

Ontmoetingsdiens

Intreelied en votum: Ps. 18-2: 1, 5 (Tweede melodie); Seën; Lofpsalm: Ps. 145-1: 1, 5, 11, 12; Geloofsbelijdenis (Apostolies); Sing Ps. 71-1: 14 (Tweede melodie)

Verootmoedigingsdiens

Tydens die Woorddiens; Gebed

Woorddiens

Skriflesing; Sing Sb. 3-5: 4, 5, 7, 8; Woordverkondiging; *Tydens Woordverkondiging:* Wetlesing Eksodus 20; Sing: Sb. 9-3: 1, 2

Antwoorddiens

Gebed; Liefdegawes; Gebed vir BnB; Sing Sb. 2-4: 1, 2, 3; Seën; Amenlied Sb. 13– 3.

GESAMENTLIKE PINKSTERDIENS:

14:30 BY DIE BULT

Ons vier vandag ons derde Pinksterdiens saam met die gemeentes van Die Bult, Venterskroon en Mooirivier. Ons gaan saam terug dink aan die rykdom van die Pinkstergebeure waar die evangelie deurbreek na alle volke, tale en nasies. Prof Rantua Letsotsa gaan die erediens lei. Die erediens begin reeds om 14:30 in die kerkgebou van Die Bult. Daar sal dus nie vanaand om 18:00 'n erediens in ons kerkgebou wees nie. Ons hoop om almal om 14:30 te sien vir hierdie besonderse erediensbelewenis!

MEELEWING

- Hannes Botha (Groep 4 - 082 776 3311) is met mantelsellimfoomkanker gediagnoseer en ondergaan tans elke twee weke 'n weeklange chemoterapie in Pretoria. Ons bid in besonder vir hom en Wilna.
- June Kruger (Groep 28 - 082 853 1463) sterk nog aan in die Eugene Marais hospitaal in Pretoria na haar rugoperasie. Dit gaan regtig nie goed met haar nie.
- Willem Pienaar (Groep 27 - 082 465 9758) se knievervangingsoperasie het goed afgeloop. Hy sterk huis aan.
- Joey Lubbe (Groep 19 - 083 232 9376) het toetse in Pretoria ondergaan.
- Tannie Kosie Kruger (Groep 2 - 082 359 4474) is nou ook al lank siek en swak sodat sy nie uit haar woonstel kan kom nie.
- Daar is baie lidmate (oa Carina Coetzee en Marie Oosthuizen) wat siek is aan griep, verkoue en bronchitis. Baie sterkte vir die winter wat nog voor lê!

Ons bid dat die Here spoedig beterskap en herstel sal gee.

ONS DINK OOK AAN DIE VOLGENDE LIDMATE WAT SUKKEL MET SIEKTE OF SWAK GESONDHEID

Srs Sannie Reyneke, Filina Coetsee, Marianne Kruger, Bettie Ras, Janet vd Walt, Hester Buys, Kosie Kruger, Therina vd Westhuizen en br Fanie Bezuidenhout.

ONDERSTEUNING VIR SIEKES

Vir ondersteuning of besoeke deur die hospitaalbesoeke-diensgroep, skakel hierdie week vir:

siekies@oosdoppers.co.za;

Marique Reichel

BAIE GELUK AAN

- Susan Steyn met die toekenning van haar doktorsgraad in Toerismebestuur.

- Daar is ook ander lidmate wat Hon-grade en M-grade ontvang het van wie ons nie al die name het nie. Baie geluk aan julle almal met die mooi prestasie.

AFKONDIGINGS

Vandag

09:00 Gebedsgroep

09:30 Oggenddiens

Tee en Koffie

Kleuterbediening

Katkisasie 13

14:30 Pinksterdiens by Die Bult

Maandag

17:15 Katkisasie Gr 11

19:00 Toerusting van nuwe diakens

Dinsdag

Vleiswerk

06:00 Manne Ondersteuningsgroep

10:00 Streeksinode Noordwes vergader
hier in Potch

16:30 Geen Katkisasie vir graad 8

Woensdag

Vleiswerk

17:15 Katkisasie graad 9 en 10

Donderdag

Vleiswerk

Vrydag

Vleiswerk

Saterdag

Oosdopperfees

VERJAARSDAE

Baie geluk aan almal wat DV hierdie week verjaar!

Sondag, 24 Mei

Sr Janneke Hattingh	072 808 6357
Br Thomas Nel	083 577 4766
Sr Belinda Venter	061 414 9059

Maandag, 25 Mei	
Br Michael Booyens	074 647 7452
Br Casper Dreyer	079 277 4557
Dinsdag, 26 Mei	
Sr Hannelie Bartlett	074 270 1165
Sr Elsa Grove	018 290 5543
Sr Hannelie Pieters	082 740 3530
Donderdag, 27 Mei	
Br Gerrie Pretorius (79)	
Sr Elize Schutte	082 444 2102
Vrydag, 28 Mei	
Sr Ananda vd Walt	084 677 2928
Sr Mariska v Greuning	084 506 6214
Saterdag, 29 Mei	
Jbr Louis Claasen	
Sr Laura Opperman (82)	076 978 3999

ANDER AFKONDIGINGS

- Liefdegawe vanoggend vir Barmhartigheid.
- Gawe by die deure vanoggend vir die Teologiese studentekas.
- Gawe volgende Sondag vir die Emeritusfonds.
- Vrywillige bydrae vir voertuigsekuriteit in die bussies by deure.
- Diensbeurte: Groep 12 en 13.

NAME VIR GOEDKEURING VIR DIENS VAN OUDERLING:

Die volgende broers se name word ter approbasie voorgehou:

Chris de Bruyn; Fanus Kruger; Chris (CFC) van der Walt; Tom Larney; Willie van der Walt en Jasper Venter.

GEMEENTELIKE FOKUSTYD 2015: GEESTELIKE GROEI

Ons het die afgelope week die derde tema naamlik "Die rol van liefde en die wet in geestelike groei." bestudeer. Hierdie week verdiep ons ons in die vierde tema naamlik: Die wortels en vrugte van geestelike groei.

Fokustyd: Praktiese projek: BORG 'N BYBEL - Het jy 'n koevert ontvang?

Saan met die Fokustydperk wil ons ook iets prakties doen. Terwyl ons so verdiel in die rykdom van die Woord wil ons ook meewerk om Bybels te gee aan mense wat nie hulle eie Bybels het nie. Ons gaan meewerk aan die Bybelgenootskap se "Borg 'n Bybel-projek". Lidmate en of groepe kan besluit om 'n Bybel of Bybels te borg teen R 65.00 'n Bybel. **Ons het tot dusver R1 030-00 se borggeld ontvang = ongeveer 15 Bybels.**

Lê DAAR BAIE ONGEBRUIKTE BYBELS IN DIE HUIS ROND? BRING DIT KERKGEOBU TOE IN DIE VOLGENDE VYF WEKE

Die organisasie Judea Harvest in samewerking met Bibles for Believers versamel in Mei-maand ou of ongebruikte Bybels van alle tale en vertalings om weer te versprei. Ons werk graag hieraan mee. Die verlore Bybels in die Skuur, wat nie deur lidmate geneem word nie, gaan ons ook vir hierdie projek skenk. Kyk bietjie in die kaste en laaie vir ou en ongebruikte Bybels en ons gee dit vir iemand wat dit gaan gebruik. So werk ons ook mee aan die verkondiging van die Evangelie. Plaas die Bybels in die kartondoos in die voorportaal.

HUWELIKSVERRYKINGS VIR OUD EN JONK : Junie 2014

Ons nooi graag al ons lidmate, julle vriende en kennisse uit na 'n huwelik verrykingsgeleentheid wat deur prof Chris Venter in samewerking met ds Piet aangebied gaan word.

1. DATUMS: Saterdae 6, 13 en 20 Junie, vanaf 9.00 – 12.30

2. VOORLOPIGE PROGRAMINDELING: 3 x 3 uursessies. Elke sessie sal uit 2 x 1,5 uursessies bestaan.

Sessie 1: Vertrekpunte / Rolle in die huwelik / Vanwaar die rolle: gesin-van- oorsprong se invloede / Persoonlikheidstruktuur / Die 6 'soorte' intimiteit.

Sessie 2: Probleemoplossing / Kommunikasiestyle.

Sessie 3: Van vae klagtes tot spesifieke klagtes tot positiewe voorstelle Versterkingsgedrag (beloningsgedrag) in die huwelik

3. WYSE VAN AANBIEDING (PROSEDURE)

3.1 Die paartjies sal afsonderlik sit, buite hoorafstand van mekaar.

3.2 Die aanbieder sal telkens die sessie inlei met 'n baie kort teoretiese agtergrond – hoogstens 5 minute.

3.3 Die paartjies sal dan sekere vraelyste/ werksvelle – wat gerig is op die paartjie – invul. Elke paartjie sal dan met behulp van voorstelle hulle eie vraelyste invul en met mekaar – as paartjie - bespreek. Sodoende sal die privaatheid van elke paartjie gerespekteer en verseker word.

4. KOSTE: Elke paartjie moet asb. R20 vir elke sessie betaal – dit sal gebruik word om die verversingskostes te dra.

5. BESPREEK: Gee julle name by ds Piet of die kerkkantoor op.

6. PLEK: Kerksaal

7. KINDERS: Ouers met kleiner kinders kan dalk saam reël vir iemand om die kinders vir die duur van die oggend op te pas.

AMANDELBLOEISELS

Kuiertjie by Môredou Meubels

Dit was 'n lieflike herfsdag en ons het lekker gekuier. Dit het gevoel soos een groot familie wat saam om 'n tafel sit en gesels. Dit het my laat dink hoe bevoorreg ons is om so saam te kan kuier.

Die eetgoed saam met 'n koppie tee of koffie was baie lekker. Daarna het ons so bietjie deur die meubels geloop en met die oë gekoop en ook idees gekry om met dit wat ons in ons huise het, te toor en op te kikker. Dankie vir die persone wat vir ons al die uitstappies reël.

Groete

Amandelblroeisels

KENNISGEWINGBORD

- Moot-Kamp vir graad 10 - 12 leerders.
- Hou God in skole projek - fietstoer en ondersteuning.
- Plaaslike Bybelverspreiding: Faans Steyn.

AGTERSTE BANKE IN KERK

Ons herinner graag weer ons gemeentelede dat ons dit sal waardeer indien die agterste ry banke aan beide kante in die kerk, oopgelaat word vir gesinne met jong kindertjies. Baie dankie vir almal se omgee en hulp om hierdie gesinne te akkomodeer.

DIAKONIE: KOSKAS

Lieve gemeente, die Diakonie se koskas word huidig net deur een kleingroep "gedra". Daar is werklik 'n behoefte aan nie-bederfbare produkte vir gesinne wat weekliks 'n kospakkie benodig. Indien u hiervoor kan bydra sal ons dit baie waardeer.

KERKLIKE TYDSKRIFTE

Die Kerklike tydskrifte is in die Skuur beskikbaar - SLEGS vir lidmate wat daarop ingeteken is.

PROJEKTE NUUS OOSDOPPERFEES - 30 MEI

Oosdoppers

Ons benodig hierdie week baie hulp - kyk asb vanoggend in die voorportaal waar u beskikbaar is en voeg u naam op die hulplyste.

Baie dankie vir almal se hulp en bydraes om van ons Oosdopperfees 'n groot sukses te maak!

Belangrike datums:

- *Produkte wat beloof is op die vorm kan reeds afgegee word by die skuur of kerkkantoor.*
- *Bederbare produkte kan al **29 Mei** aangelever word by die kombuis*
- *Hulplyste is vandag weer beskikbaar in portaal.*
- ***30 Mei** - Oosdopperfees! Sien jou daar! Kom werk saam en geniet saam die feesdag!*

TROETELDIERSKOU

Hierdie skou lok jaarliks talle diereliefhebbers en verskaf groot vermaak. Kom spog met jou troeteldier en wys hoekom liefde en versorging so belangrik is.

SPREUKE 12:10 "Die regverdige sorg goed vir sy diere, maar die goddeloses is wreed."

Inskrywingsvorms is in die voorportaal van die Skuur of in die kerkkantoor beskikbaar. Daar sal ook inskrywingsvorms saam met die pamphlette by die skole beskikbaar wees. Kom en geniet die dag saam met ons!

HAMBURGERS TE KOOP

Baie dankie aan elke lidmaat wat die belydenisklas ondersteun het in hulle poging om self ook by te dra vir hulle uitreik na D'kar in Botswana. Oor twee weke van nou af, Vrydag 5 Junie, sal daar weer hamburgers te koop wees teen R25 per hamburger en sal weer tussen 17:30 en 18:30 by die kerkgebou afgehaal kan word. Ons wil egter toesien dat ons genoeg hamburgers maak en daarom vra ons dat bestellings geplaas word. Bestellings kan deur geSMS of geWhatsApp word na ds. Karel (072 476 8794) voor of op Donderdag 4 Junie om 12:00.

STERREKYK

Baie dankie aan elke lidmaat wat hierdie aand saam met ons spandeer het! Dit was 'n wonderlike ervaring en baie leersaam. 'n Spesiale dankie aan Mari Steyn en die twee kleingroep, groepe 27 en 42, wat hierdie aand moontlik gemaak het.

BAIE DANKIE

Ons het die afgelope tyd die liefde van Christus in ons gemeente intens ervaar. Baie dankie aan elkeen wat ons ondersteun het dmv besoeke, telefoonoproepe, sms'e, blomme en etes. Dankie Susters vir die pragtige potplant en kaartjie. Groep 37, dankie vir elkeen van julle se onbaatsugtige liefde. Ds Piet en ds Karel, julle besoeke voor die operasie en belangstelling daarna, was vir ons van onskatbare waarde. Baie dankie.

Seenwense

Douw en Hantie Grobler

Susters



TEESKINKGELEENTHEID

Tee word vandag in die Skuur bedien onder die leiding van Chanelle v As (groep 16); Rolene vd Walt (groep 17) en Shantell Andersen (groep 31).

Baie dankie aan die groepsusters en hul groepe se susters en broers wat met die skink en opwas help! **Ons moedig susters en broers aan om te kom help met die skink en opwas - so leer ons mekaar en ons nuwe groepe beter ken!**

SUSTERSBYDRAE

Die susters se fondse word verkry uit elke suster se vrywillige bydrae (R150 per jaar) en die fondse wat geïn word tydens fondsinsamelingsgeleenthede. Hierdie geld word gebruik om uit te reik na minderbevoordeeltes en daar word jaarliks aan verskillende verdienstelike instansies, hoofsaaklik in Potchefstroom, donasies gegee.

Kyk gerus uit vir ons bruinkoevert waarin jy jou sustersbydrae kan sit en in die kluis kan gooi! (Beskikbaar op die tafel in die kerk se portaal en ook in die skuur se portaal)

KWARTAALPROGRAM

DATUM	DAG	TYD	WIE	AKTIWITEIT
25-29 Mei	Maan-Vry	13:00 en 18:00	Naamlys	Oosdopperfees - Vleiswerk - etes
30-Mei	Saterdag	09:00	Almal	Oosdopperfees
07-Jun	Sondag	19:00	Blok D	Ouderlingevergadering - verversings
09-Jun	Dinsdag	19:00	Blok B	Sustersamekoms
21-Jun	Sondag	12:00	Blok C	Nagmaalete

BAIE DANKIE AAN ONS BORG VAN DIE WEEK!

Sanet Ras Prokureurs

**OPSTEL VAN TESTAMENTE.
BEREDDERING VAN BOEDELS.
ALLE EIENDOMSTRANSAKSIES.**

Van Riebeeckstraat 101, Potchefstroom
Tel: (018) 294-8953 k/u

OOSDOPPERTJIES

Liewe Oosdoppertjies!



Ons nooi julle almal ook spesiaal na ons Oosdopperfees, wat Saterdag 30 Mei by ons kerk aangebied word.

Hier gaan 'n tent spesiaal vir julle wees waar julle goedkoop speelgoed en lekkernye kan koop, springkasteel kan spring, paintball kan skiet en vele meer!

Die gewilde Grilgrot is ook weer hier en beloof om jou hare te laat regop staan. Nooi sommer jou maaitjie by die skool om ook by ons 'n draai te maak!



MAATS

Julle het elkeen een of meer gawe maats, hè? Het julle geweet die Bybel sê baie oor 'n mens se vriende?

In Spreuke 13:20 sê die skrywer dat mens self wysheid verkry as jy met wyse mense omgaan. Die "wyse" mense waarvan hy praat, is nie "slim" mense nie, maar dis mense wat die Here se wil doen. Die Bybel leer ons dus om maats te hê wat die Here liefhet en sy wil doen.

In Spreuke 27:17 lees ons "Yster slyp yster, vriende vorm mekaar." Dit beteken presies wat daar staan: as ek twee stukke yster lank teen mekaar sou skuur, sou altwee later anders lyk as wat hulle was. Hulle sou altwee merke of dalk holtes in hê. Vriende "vryf" of "skuur" so teen mekaar as hulle saam dinge doen en so beïnvloed hulle mekaar; verander hulle mekaar. Jy kan toelaat dat jou maats jou slegte of goeie dinge leer!

Wat sal gebeur, sê Spreuke 13:20, as ek met mense (maats) meng wat wys is?



Wat gebeur as ek maat is met mense wat nie die Here ken nie?

LUISTER EN KYK OF JOU MAATS DIE HERE KEN! BID EN VRA DIE HERE OM JOU TE HELP OM DIE REGTE MAATS TE KIES.

OOSDOPPER FEES

30 MEI



VLEISVERKOPING MET KREDIETKAART FASILITEITE	
STALLETJIES	AARTAPPELKRULLÉ
BOEK-E-OASE	HANDELSHUIS
KOELDRANK	SNOEPIE
SOSATIES	HAMBURGERS
DOUGHNUTS	POEDING
KERRIE-EN-RYS	BOEREWORSROLLE



08:00: BOERE-ONTBYT EN PANNEKOEK | 09:00: OPENING
09:00: VLUGBALKOMPETISIE | 11:30: WOELIES -
TROMPOPPIEVERTONING | 12:00: TROETELDIERSKOU

JEUGAKTIWITEITE SOOS PAINTBALL,
HINDERNISBAAN, GESIGVERF, KINDERTAFEL,
SPRINGKASTEEL & GRILGROT.

